

# Dienelkander



## Nuusbrief van die Gereformeerde Kerk Potchefstroom-Oos

**2 Junie 2019**

### **OGGENDDIENS:** Ds. Piet Venter

Die Doop word vanmôre bedien aan Michael, baba van Andries en Chantelle de Klerk. Ons is saam met julle dankbaar vir die genade van God in julle kind se lewe. Baie welkom aan familie en vriende.

**Tema: Hoe skuif ek van een geloofstoel na die volgende een? Net op een manier: bekeer jou, verander (vernuwe) jou lewe en leef meer gehoorsaam aan die Here.**

Julle onthou nog seker die preek van ds. Reynold Fourie oor die verskillende generasies gelowiges aan die hand van die metafoor van die drie stoele. Ons almal het ons geloof en ons optrede ge-evalueer om te bepaal op watter stoel ons sit. Ek het agtergekom dat ek met sommige aspekte op die eerste stoel sit, met ander aspekte - dalk die meeste - op die tweede stoel en ja, daar is selfs aspekte van my geloof en my daaglikse lewe wat op die derde stoel sit!

Nou volg die lewensbelangrike vraag: Wil ek van stoel verskuif en hoe verskuif ek? Of het die "geloofstoel" waarop ek sit al so gemaklik geword dat ek nie wil skuif nie. Miskien wil ek skuif en ek maak allerhande voornemens en bewegings, maar eintlik verander ek net my stoel in 'n "skommelstoel" wat op een plek heen en weer beweeg maar ek beweeg nie!

Die Here leer ons vanmôre: daar is net een manier om te skuif! As jy wil skuif, staan op van jou stoel, beweeg vorentoe en gaan sit op die nuwe stoel. Of in Bybelse taal gesê: bekeer jou, verander (vernuwe) jou lewe en leef meer gehoorsaam aan die Here. Die genade is dat ons deur Christus en sy Gees kan beweeg! Hy is ons dryfkrag en Hy is die rigting waarin ons moet beweeg!

### **LOFSANG MET DIE OOG OP DIE EREDIENS**

Lied 428: 1, 2, 3, 4 en Lied 547: 1, 3

### **ONS ONTMOET DIE HERE**

Intreelied Sb 1-6: 1, 3; Votum; Seën; Loftlied Ps 95-2: 1, 3, 4; Belydenis: Sing Sb 12-3: 1 en 2

### **ONS VEROOTMOEDIG ONS VOOR DIE HERE**

Wet uit Eksodus 20; Sing Ps 119-2: 20, 27; Gebed

### **DIE HERE BEDIEN SY SAKRAMENT**

Doopformulier; Bediening van die doop; Sing na die doop Ps 105-1: 5 (kleuters na kleuterbediening); Gebed

### **DIE HERE ONTMOET ONS DEUR SY WOORD**

Skriflesing: Matteus 11 en

Matteus 12: 33 - 45

Fokusverse: Matteus 11: 12, 20, 28 - 30 en

Matteus 12: 40 en 43 - 45;

Woordverkondiging

## **ONS ANTWOORD OP DIE HERE WOORDDIENS**

Sing Sb 2-4: 3; Liefdegawe; Gebed; Sing Sb 15-8: 3, 5 (Mel van Sb 15-7); Seën; Amenlied Sb 13-2.

**AANDDIENS:** Ds. Piet Venter

### **Tema: God maak ons stukkende wêreld heel.**

Daar is soveel stukkende lewens en stukkende dinge in die wêreld. Ook hier in ons gemeente. Dit bly so deel van ons dag tot dag bestaan dat mense maar gedurig bly wonder daaroor. Hoekom gebeur dit en waar is die Here in al hierdie stukkende dinge. Kom ons hoor weer vanaand die troosboodskap van hoe God binne hierdie stukkende wêreld teenwoordig is en hoe Hy besig is om dit heel te maak.

### **LOFSANG MET DIE OOG OP DIE EREDIENS**

Lied 184: 1, 2 en 4; Lied 464: 1, 3 en 4

### **ONTMOETINGSDIENS**

Intreelied Ps 19-1: 7; Votum; Seën; Loflied Sb 6-2: 1, 2, 3 en 4; Gebed

### **WOORDDIENS**

Skriflesing: Genesis 1: 31, 2: 15 – 18 en 3;  
Teksvers: Genesis 3: 21;  
Woordverkondiging

### **ANTWOORDDIENS**

Gebed; Liefdegawe; Sing Sb 18-6: 1 – 5 :  
Beurtsang: Vers 1 almal, vers 2 srs, vers 3  
brs en 4 en 5 almal; Seën; Amenlied  
Sb 13-3.

### **MEELEWING**

- Tannie Harriet van der Walt (Groep 5 - 073 520 8783) het met 'n reeks chemoterapie begin. Sy sterk by haar dogter in Johannesburg aan.
- Anna Smith (Groep 37 - 082 765 9813)

het die week in die bed deurgebring met griep en verwante simptome.

- Corrie du Plessis (Adam - Groep 37 - 082 339 0060) het die afgelope week 'n lensvervanging ondergaan en sterk huis aan. Die ander oog se lens word komende week vervang.
- Ment Larney (Groep 29 - 082 850 4989) ondergaan hierdie week 'n operasie.
- Louisa van der Walt (Groep 37 - 063 745 2942) se operasie-wond het ontsteking ontwikkel en word nou daarvoor behandel.

**Ons bid dat die Here beterskap, herstel, bemoediging en troos sal gee.**

### **ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Grobbie Grobler, Blossom Pretorius, Koos en Marlene Jooste, Lana Labuschagne, Andries en Driekie Coetzee en Ed en Anette Coetsee.

### **ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Marian de Kock (082 950 4358) en Ernest de Vries (082 903 8422).

Medikliniek = 09:00-13:00 en 15:00-20:00  
Mooimed = 11:00-11:30 en 15:00-16:00 en 19:00-20:00

Potch Hospitaal = 15:00-16:00 en 19:00-20:00

### **BAIE GELUK**

Chris Hattingh wat reeds verskeie rekords by die Klerksdorp Parkrun hou, het die afgelope week weer een van sy eie rekords verbeter. Hy het in die ouderdomsgroep 70-72, 5km in 22:54 minute afgelê. Baie geluk!

## OOSDOPPERS HER-BEWAPENING (4)

### Swaard van die Gees (Die Woord van God)

Ons is nou by die finale deel van die Christen se wapentuig. Die Romeinse soldaat het 'n kort steek-swaard gehad. Dit was bedoel vir aanval en verdediging op 'n baie kort afstand. Die soldaat moes gereed wees vir kort-afstand binne-gevegte. Dit het vereis dat hy behendig en vaardig moes wees met die gebruik van hierdie swaard. Sy eie lewe en die lewe van sy mede soldate rondom hom het daarvan afgehang. Al die ander wapentuig was belangrik, maar sonder die gebruik van hierdie swaard was die soldaat heeltemal weerloos. Vir 'n Christen is die Woord van God so 'n noodsaaklike wapen. Elke Christen moet weet hoe die Gees van God hom / haar persoonlik toerus vir die gebruik van God se Woord.

### Volle wapenrusting van die geloof



### Deurlopende kontak met die Aanvoerder / Bevelvoerder

Die hele geveg was onder beheer van die aanvoerder / bevelvoerder. Hy, wat die groter prentjie van die geveg gesien het, het presies geweet wat aangaan en het duidelik bevele vir sy manskappe gestuur wat hulle moes gehoorsaam. Dit beteken dat deurlopende kontak met die aanvoerder uiters noodsaaklik was. Die Skrifgedeelte oor die Christen se wapentuig word afgesluit met 'n baie duidelike verwysing na die gesindheid wat die Christen moet hê. Alles

moet biddend gedoen word. Die hele lewensstryd van 'n gelowige word ingeklee en deurweek met volgehoue gebed. Let op – nie net persoonlike gebede nie, maar ook voorbidding.

## PROGRAM VAN DIE WEEK

### Vandag

09:00 Gebedsgroep

09:30 Oggenddiens

Kleuterbediening

Geopende deure stel hulle werk bekend

Katkisasie Les 14

Tee en koffie in die Skuur

18:00 Aanddiens

19:00 Ouderlingevergadering

### Maandag

18:00 Kersmark

### Dinsdag

06:00 Manne Ondersteuningsgroep

### Woensdag

10:00 Amandelbloeijsels

Geen Katkisasie Gr 9

18:00 Katkisasie Gr 8

Geen Katkisasie Gr 11

### Vrydag

Biltongaand: Banksaal

### Volgende Sondag

Nagmaal en Nagmaalete

### Ds Piet uitstedig

Ds Piet is van Donderdagoggend tot Saterdagmiddag uitstedig met Kuratorewerk.

## AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die | Emeritusfonds.
- Gawes volgende Sondag vir die Diakonie.
- Vrywillige bydrae vir voertuigsekuriteit in

die bussies by die deure.

- Diensbeurte: Groep 14 en 15.

## VERJAARSDAE

Baie geluk aan almal wat DV hierdie week verjaar!

### Sondag, 2 Junie

Br Johan du Plessis (70)	082 255 5441
Br Chris Hattingh (71)	083 625 7426

### Maandag, 3 Junie

Br Douw Grobler (73)	082 733 8385
Sr Petro Kruger (71)	082 823 2676

### Dinsdag, 4 Junie

Sr Nelie Jordaan	072 186 1444
------------------	--------------

### Woensdag, 5 Junie

Br Frans Drijfhout	083 443 5234
Jbr Christiaan Oelofse	018 290 7161
Jbr Bernard v Zyl	
Sr Renè Watson	082 683 6875

### Donderdag, 6 Junie

Br Leonard Haasbroek	082 545 4321
Sr Marlene Jooste	072 266 6515
Sr Anneke Steenkamp	082 856 6278

### Vrydag, 7 Junie

Sr Ria Barnard	082 326 4233
Br Patrick Sharpley	076 374 9480
Br Jaap vd Walt (80)	094 743 5182
Jsr Laurin v Zyl	

### Saterdag, 8 Junie

Sr Tanita Ehlers	074 560 2480
Br Willem Riekert	064 372 8204

### Kuier voor hemelvaartsdiens:

"Die jongmens-bedieningspan sê baie dankie vir almal wat kom kuier het en kom help het voor die Hemelvaartsdiens. Ons het 'n wonderlike, gesellige tyd saam met almal gehad! "

## BILTONGAAND IN BANKETSAAL –

### 7 JUNIE

Biltongfees kaartjies is steeds beskikbaar by Johan du Preez, tel nr 081 354 9828, asook Sondae by die kerk @ R160 p/persoon. Kaartjies is ook in die kerkkantoor beskikbaar.

**Die program vir die biltongfees is soos volg:**

### Donderdag, 6 Junie

13:00 Tafels en stoele word uitgepak by die banketsaal.

Hiervoor het ons veral, manshande nodig.

Dames kan solank begin tafeldoeko oorgooi.

### Vrydag, 7 Junie

09:00 Die tafels word gedek, brode wat nog nie gesny is nie, moet gesny word en alles moet reggekry word.

Indien daar enige brode deur die susters gebak word, laat weet vir Christa by 082 376 9412.

Ons moet **na afloop van die ete** weer die aand die saal ontruim. Daar vra ons hulp met die opwas van sommige eetgerei.

Byvoorbaat baie dankie vir die hulp uit die gemeente, ons het werlik hande nodig! Sien julle daar!

## DROËWORS EN BRAAIPAKKIES TE KOOP

Ons het pakkies Wilds-droëwors te koop @ R180 p/kg (die verpakkings wissel tussen R30-R50 per pakkie), asook braaiakkies. Anna Smith sal na die oggenddiens in die vleissaal beskikbaar wees.

## R5-BOEKIES VAN HARVERSTERS

Ons vra dat lidmate wat R5 boekies by André Jooste geneem het en dit nog nie by die kerkkantoor ingehandig het nie, dit asb vandaag sal inhandig. André kom Maandag 3 Junie die boekies met geld afhaal.

## AMANDELBLOEISELS

Ons nooi ons bejaarde lidmate graag uit na ons byeenkoms, Woensdag om 10:00 by die Skuur. Dries Schutte (Eikelaan) kom met ons gesels oor "Gebed", waarna ons 'n ligte middag-ete saam geniet.

## DRINGEND BENODIG

Het iemand moontlik 'n trapmeul ("treadmill") wat u nie meer gebruik nie en dalk in u pad staan? Indien wel, wat is die moontlikheid dat ek dit by u kan koop, huur of leen? Skakel my asseblief by 082 415 4961 sodat ons daaroor kan gesels.

Baie dankie by voorbaat.

Ed Coetsee

## KERKLIKE TYDSKRIFTE: KERKBLAD EN VROUEBLAD

Die tydskrifte is vanoggend in die kerkkantoor beskikbaar vir lidmate wat daarop ingeteken is.

## BEROEPE NUUS

### BEROEP ONTVANG

- Ds R Janse van Rensburg (Reghard) van GK Reitz/Lindley na GK Delmas

### BEROEP AANVAAR

Dr C Botha (Chris) van GK Nylstroom na GK Die Kandelaar

## ALGEMENE INLIGATION

### • WOW-HERWINNINGSWERK

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastieksakke toegebind wees EN PLASTIEKBOTTELS MOET ASB PLAT GETRAP WORD. ASB GEEN huisafval nie!* Die glas/blikkies/plastiek moet asb uitgespoel wees.

### • LIEFDEGAWES VIR RMHARTIGHEID (DIAKONIE) ZAPPER

Slegs bydraes vir Barmhartigheid (Diakonie) kan daarmee gemaak word - geen ander betalings aan die Diakonie of kerkraad nie



### • SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](https://www.facebook.com/oosdoppers)

Beeldmateriaal van preke kan hier gesien word: <http://ow.ly/ivfZ309vsdc>.



## KONTAKBESONDERHEDE:

### PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –

082 851 3637

Prof. Herrie v Rooy –

083 700 3933

Hanno van Schaik –

072 105 3961

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051



# *SUSTERS IN DIE GELOOF*

*“Om-gee-wingsbewus”*

## **Teeskinkgeleenthede**

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

*Tee word vandag deur die volgende groeplede en hul groepsusters bedien: Marlise Styger en groep 8, Riana Heystek en groep 17, Marike Grobler en groep 30, asook Marie du Plessis en groep 37.*

**Volgende week** skink Carin Kloppers en groep 9, Hannelie Pieters en groep 19, Engela vd Walt en groep 38, asook Elmien Halgrynn en groep 40 se susters, tee. Baie dankie julle!

## **Nagmaalete**

*Lieve gemeente, Blok C nooi u hartlik uit na ons kwartaal se Nagmaalete, Sondag 9 Junie.*

**Spyskaart:** Beesvleispastei, gebakte hoenderdye in ‘n uie, blatjang en mayonaisesous, rys, pampoentert, uitpakslaai, sjokoladepoeding, roomys en vla @ R35 p/persoon.

*Bespreek asb plek by die kerkkantoor / skryf u naam op die lys in die voorportaal voor/op Woensdag 5 Junie.*



**Sustersamekoms: “Klein vlammetjie .....** “



*Lieve suster, Blok B nooi jou hartlik uit na ons kwartaal se Samekoms op Dinsdag, 11 Junie. Prof. Naas is ons spreker. Kom kyk saam met ons wat lewer ‘n klein vlammetjie op!*

## Sustersbydrae

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

## Blikkies-Warmharte



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooï en die vol blikkie dan in die voorportaal van die kerk sal neersit. Die geld word gebruik om blomme of iets toepaslik aan te koop vir iemand wat deur beproeing gaan. **Baie dankie vir julle getroue bydraes!**

## Kwartaalprogram

DATUM	DAG	TYD	WIE	WAT
02-Jun	Sondag	19:00	Blok A	Ouderlingverversings
09-Jun	Sondag	12:00	Blok C	Nagmaalete
11-Jun	Dinsdag	18:30	Blok B	Sustersamekoms

**BAIE DANKIE AAN ONS BORG VAN DIE WEEK!**

• **HUIZEMARK** •

**EIENDOMSAGENTSKAP**

**ONS HET VOORDUREND POSTE BESKIKBAAR  
VIR AGENTE EN BEMARKERS**

**ONS DOEN :**  
Verkope & Verhurings  
\* Huise, \* Woonstelle,  
\* Meenthuise,  
\* Besigheidspersele,  
\* Plase, \* Plotte

**VIR ALLE  
EIENDOMSBEHOEFTES  
SKAKEL**

**Rolene vd Walt**  
082 859 6209

**Linda Nolte**  
082 785 3951

**huize mark**  
you're home



## OOSDOPPERTJIES

### GEBOMBARDEER

**Handelinge 5:29 "Petrus en die ander apostels het geantwoord: "n Mens moet eerder aan God gehoorsaam wees as aan mense!""**

"Bombardeer" is presies die regte woord vir wat die wêreld aan jou doen. "Bombardeer" beteken om sonder ophou bomme op iemand te gooи. Die wêreld skree vir jou wat hy dink reg is. Die wêreld sê om saam te slaap voor die huwelik is oukei, dalk selfs die regte ding om te doen. GOD SÊ DIT IS NIE. Die wêreld sê om dwelms, drank of sigarette te gebruik laat jou suksesvol lyk. GOD SÊ DIT IS NIE SO NIE. Die wêreld beoordeel sukses aan jou bankbalans of die invloed wat jy het. GOD DOEN DIT NIE. Moenie vasgedraai word in die wêreld se boodskappe en dat sy voortdurende "bomme" jou doof maak vir die Here nie. Luister na God. Gehoorsaam Hom, selfs al skree die wêreld iets anders in jou ore.



### GEDAGTE VIR DIE WEEK!

**Afhanklikheid van God gee ons vryheid om te leef! (Ps. 36)**